

Tshuaj Vancomycin-Theem Nruab Nrab/Tiv Taus Tus Kab Mob *Staphylococcus aureus*

(Vancomycin-Intermediate/Resistant *Staphylococcus aureus*)

Cov ntaub ntauv rau cov kev teeb tsa kev saib xyuas kev noj qab haus huv

Tus kab mob *Staphylococcus aureus*, los sis staph, yog ib yam kab mob npev thaws lias uas muaj nyob rau hauv lub qhov ntswg los sis nyob ntawm daim tawv nqaj. Cov kab mob npev thaws lias Staph feem ntau lawm tsis muaj kev phom sij, tab sis qee zaum nws tuaj yeem ua rau mob hanyav tau. Kev kis tus kab mob staph feem ntau tuaj yeem kho tau nrog tshuaj tua kab mob, tab sis qee hom muaj kev tiv taus cov tshuaj tua kab mob. **Vancomycin-intermediate *Staphylococcus aureus* (Tshuaj Vancomycin-theem nruab nrab Tus kab mob *Staphylococcus aureus*) (VISA)** thiab **Vancomycin-resistant *Staphylococcus aureus* (Tshuaj Vancomycin-theem tiv taus tus kab mob *Staphylococcus aureus*) (VRSA)** tsis tshua muaj kab mob los sis muaj kev tiv taus yam puv npo rau tshuaj tua kab mob vancomycin.

VISA/VRSA sib kis tau li cas?

VISA/VRSA tuaj yeem kis tau los ntawm kev sib chww ncaj qha nrog cov neeg mob los sis cov neeg nyob hauv cheeb tsam los sis kis tau tus kab mob VISA/VRSA los sis los ntawm txhais tes ntawm health care personnel (tus neeg ua hauj lwm saib xyuas kev noj qab haus huv) (HCP). VISA/VRSA kuj tseem tuaj yeem kis tau los ntawm cov chaw muaj kab mob los sis cov khoom hauv ib tus neeg mob los sis cov neeg nyob hauv ib puag ncig.

Ib tus neeg uas **nyob nrog thaj chaw** uas muaj tus kab mob VISA/VRSA yuav nqa yam muaj sia mus rau hauv los sis ntawm lawv lub cev, tab sis nws tsis ua rau muaj tsos mob. Cov neeg uas nyob rau hauv thaj chaw tuaj yeem kis kab mob mus rau lwm tus neeg tau.

Leej twg yog tus muaj kev pheej hmoo rau VISA/VRSA?

Cov neeg uas muaj noj qab haus huv zoo feem ntau tsis kis tau tus kab mob VISA/VRSA. Cov neeg uas muaj kev pheej hmoo siab dua rau tus kab mob VISA/VRSA muaj xws li:

- Tus neeg uas yuav tsum tau kho mob nrog vancomycin ncuaj sij hawm ntev.
- Tus neeg uas xav tau cov cuab yeej siv los kho mob xws li lub tshuab pab ua pa los sis txoj xaim ntxig tso zis.
- Nrog rau lub cev muaj kev tiv thaiv kab mob qis los sis xwm txheej kho mob zoo tsis tu qab.
- Tus neeg uas twb tau kis methicillin-resistant *Staphylococcus aureus* (Tus kab mob *Staphylococcus aureus* uas tiv taus-tus kab mob methicillin) (MRSA).

Kev kis tau cov kab mob VISA/VRSA tau txais kev kho li cas?

Feem ntau lawm VISA thiab VRSA yuav rhiab rau lwm cov tshuaj tua kab mob, thiab cov kab mob tshwm sim los ntawm yam uas muaj txoj sia no feem ntau lawm tuaj yeem kho tau.

Vim li cas kev tiv thaiv kev kis tus kab mob VISA/VRSA thiaj li tseem ceeb?

Cov kab mob VISA/VRSA qee zaum tuaj yeem kis tau mus rau cov hlab ntsha thiab ua rau muaj mob hanyav dua xws li kev kis mob hauv hlab ntsha, lub ntsws o, thiab daim tawv qhww lub plawv av xej (kev kis kab mob ntawm daim thaiv qhib kaw lub plawv) los sis tus pob txha av xej (kev kis mob hauv tus pob txha). Kev kis cov hom kab mob no hanyav heev thiab tuaj yeem ua rau tuag taus. Cov kab mob npev thaws lias VISA/VRSA kuj tseem tuaj yeem hloov pauv qhov kev tiv thaiv mus rau lwm cov kab mob, uas tuaj yeem ua rau muaj kev tiv taus cov kab mob sib kis feem dav tau.



HCP tuaj yeem ua dab tsi los tiv thaiv kev sib kis ntawm VISA/VRSA?

Xyaum ua raws li kev ntxuav tu txhais tes kom huv tsis tu ncu a nrog rau alcohol-based hand sanitizer (tshuaj ntxuav tes kom huv uas muaj kuab cawv) (ABHS) los sis xab npum thiab dej.

HCP yuav tsum ntxuav tu kom huv si ntawm txhais tes **ua ntej thiab tom qab** hloov daim qhwv kiav txhab, muab kev saib xyuas neeg mob los sis tus neeg nyob nrog (xws li da dej, hnav khaub ncaws, los sis hloov ntaub pua txaj pw), thiab nkag mus tau rau cov khoom siv hauv tsev. Cov neeg mob thiab cov neeg nyob nrog yuav tsum tau txhawb kom muaj kev ntxuav tu kom huv si tsis tu ncu a.

Nce ntxiv kev ntxuav tu thiab tshuaj tua kab mob ib puas ncig tsis tu ncu a, tshwj xeeb tshaj yog rau cov chaw uas nquag tuav kov.

Ua tib zoo ntxuav tu kom huv thiab tshuaj tua kab mob rau txhua yam khoom uas siv ua ke ntawm tus neeg mob thiab tus neeg nyob nrog, xws li nqa cov hlua khi nqa thiab cov cuab yeej ntsuas meem tes, tom qab siv. Nco ntsoov ua raws li cov lus qhia ntawm cov tshuaj tua kab mob rau thaum lub sij hawm muaj kev tuav kov. Yog tias ua tau, siv cov khoom uas siv ib zaug tas pov tseg, siv tas pov tseg, cov cuab yeej tsis tseem ceeb los sis muab cov khoom siv pub rau ib tus neeg mob los sis cov neeg nyob nrog.

Ua raws li kev ceev faj tsim nyog thiab xyuas kom ntseeg tau tias muaj kev siv personal protective equipment (cov khom tiv thaiv tus kheej) (PPE) tau yam tsim nyog.

Rau cov chaw uas tsis yog tsev laus:

Ua raws li tsab cai kev cais tawm multidrug-resistant organism (yam muaj txoj sia uas muaj kev tiv taus tshuaj ntau yam) (MDRO) nyob rau ntawm qhov chaw. Qhov kev cev faj rau kev tuav kov tej zaum yuav raug muab coj los siv rau cov neeg mob los sis cov neeg nyob nrog hauv cheeb tsam los sis kis tus kab mob MDRO. HCP yuav tsum hnav ris tsho thiab hnav looj tes thaum muaj kev tuav kov nrog tus neeg mob los sis tus neeg nyob nrog los sis lawv ib puag ncig. Kev txiav txim siab ntxiv rau kev siv cov kev ceev faj ntxiv, xws li kev tuav tswj tso chav tsev kom raug, tuaj yeem pom hauv DHS *Cov Lus Qhia rau Kev Tiv Thaiv thiab Kev Tswj Hwm ntawm MDROs hauv Cov Chaw Saib Xyuas Kev Noj Qab haus Huv* (www.dhs.wisconsin.gov/publications/p4/p42513.pdf).

Rau cov tsev laus nkaus xwb:

Enhanced barrier precautions (Cov kev tiv thaiv yam kev cuam tshuam theem siab) (EBP) tej zaum yuav ua tau raws li kev ntsuas kev pheej hmoo hauv zos. EBP tuaj yeem siv rau cov neeg nyob nrog hauv cheeb tsam los sis muaj kab mob MDRO los sis cov neeg muaj qhov txhab los sis cov khoom siv kho mob hauv tsev, tsis hais txog xwm txheej ntawm MDRO, thaum muaj kev tiv thaiv kev tuav kov uas tsis siv lwm yam. Nrog EBP, HCP yuav tsum hnav ris tsho thiab looj hnav looj tes thaum muaj dej num saib xyuas cov neeg nyob nrog uas muaj kev tuav kov siab. Kev txiav txim siab ntxiv rau kev siv cov kev ceev faj ntxiv, xws li kev tuav tswj tso chav tsev kom raug, tuaj yeem pom hauv DHS *Cov Lus Qhia rau Kev Tiv Thaiv thiab Kev Tswj Hwm ntawm MDRO Cov Hom Phiaj hauv Cov Tsev Laus Huv Wisconsin* (www.dhs.wisconsin.gov/publications/p03250.pdf).

Sib txuas lus qhov xwm txheej MDRO thaum cov neeg mob los sis cov neeg nyob nrog tau txais kev pab cuam ntxiv los sis hloov mus rau lwm qhov chaw saib xyuas kev noj qab haus huv.

Thaum ib tug neeg uas nyob rau hauv ib thaj chaw los sis kis tus kab mob MDRO raug xa mus rau lwm lub tsev saib xyuas kev noj qab haus huv, tawm ntawm qhov chaw mus ntsib lub chaw kho mob rau tus neeg mob uas tsis pw kho mob hauv tsev kho mob, los sis tau txais lwm yam kev pab cuam ntxiv, lub chaw txais yuav tsum tau txais kev ceeb toom qhov xwm txheej tus kab mob MDRO ntawm tus neeg ntawd kom ceev faj tsim nyog uas yuav raug coj mus rau hauv cov chaw ntawd.

Yog xav paub ntxiv, mus saib phab vev xaib Lub Khoos Kas Tiv Thaiv HAI Ntawm Wisconsin VISA/VRSA (www.dhs.wisconsin.gov/disease/visa-vrsa.htm)

